



სადგურ საწირეს შენობის დემონტაჟის და ახალი სადგურის შენობის მშენებლობის
საპროექტო მომსახურების სახელმწიფო შესყიდვა

CPV _ 71200000

სატენდერო დოკუმენტაცია

წინამდებარე სატენდერო დოკუმენტაცია შედგენილია „სახელმწიფო შესყიდვების შესახებ“ საქართველოს კანონისა და სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანებით დამტკიცებული, „გამარტივებული ელექტრონული ტენდერისა და ელექტრონული ტენდერის ჩატარების წესის“ საფუძველზე

ქ. თბილისი
2016

სატენდერო დოკუმენტაცია

1. შესყიდვის ობიექტის სავარაუდო ღირებულება - **8 500 ლარი დღგ-ს გარეშე.**

2. შესყიდვის ობიექტი:

დანართი №1

გასაწევი მომსახურების დასახელება	გასაწევი მომსახურების ღირებულება დღგ-ის გარეშე	გასაწევი მომსახურების ვადა
სადგურ საწირეს შენობის დემონტაჟის და ახალი სადგურის შენობის მშენებლობის საპროექტო მომსახურება		

გასაწევ მომსახურებაზე განსაკუთრებული მოთხოვნები:

- მიმწოდებელმა უნდა უზრუნველყოს სს „საქართველოს რკინიგზის“ სადგურ საწირეს შენობის დემონტაჟისა და ახალი სადგურის შენობის მშენებლობისათვის საჭირო პროექტის, ხარჯთაღრიცხვისა და მოცულობათა უწყისის შედგენა.
- პროექტის შედგენისას გასათვალისწინებელი შესასრულებელი სამუშაოები:

2.1 არსებული შენობის დემონტაჟი:

- 2.1.1 დემონტაჟი არსებული ერთსართულიანი (ნანგრევი) შენობა-ნაგებობის 70 სმ სისქის მქონე მზიდი კედლების. სიგრძე-10 მ, სიგანე-6 მ, სიმაღლე-6,8 მ. შენობის კედლები შესრულებულია ქვის წყობით, ქვიშა-ცემენტის დუღაბზე. სასხვეწო ოთხქანობიანი გადახურვით ხის კონსტრუქციაზე. გადახურვა ხის ნივნივებზე თუნუქის ფურცლით;

2.2 ახალი შენობის (სადგურის) დაპროექტება მშენებლობა და ტერიტორიის კეთილმოწყობა:

- 2.2.1 შენობა უნდა მოიცავდეს არაუმეტეს 200 მ² მოშენების ფართობს, აქედან 122 მ² სასარგებლო ფართი, რომელშიც განსაზღვრული უნდა იყოს:
- 20 კაცზე გათვლილი მოსაცდელი დარბაზი განთავსდეს შენობაში და შეადგინოს 30 მ², კედლები შეიღებოს, იატაკზე დაიგოს მეტლახი.
 - რკინიგზის თანამშრომლების ოთახები: 2 ოთახი 20 მ² (თითო 10მ²), კედლები შეიღებოს, იატაკზე დაიგოს ლამინატი.
 - სამზარეულო (ღია და დახურული კაფესთვის) 11 მ², სველი წერტილების ადგილას კედლები მოპირკეთდეს კაფელით, იატაკზე დაიგოს მეტლახი.
 - კაფე დახურული და ნახევრად დახურული ტიპის 37 მ². დახურული - 12 კაცზე, ღია - 8 კაცზე. კედლები შეიღებოს, იატაკზე დაიგოს მეტლახი.
 - საპირფარეშო ქალისა და მამაკაცის, ასევე შეზღუდული შესაძლებლობების მქონე პირთათვის 20 მ². სველი წერტილების ადგილას კედლები მოპირკეთდეს კაფელით, დანარჩენი კედლები შეიღებოს. იატაკზე დაიგოს მეტლახი.
 - სალარო, რომელსაც ექნება შესაძლებლობა მომსახურება გაუწიოს კლიენტს, როგორც გარედან ბაქნის მხრიდან, ასევე მოსაცდელი დარბაზის მხრიდანაც. 4 მ² სალაროსთან შესასვლელში უნდა დაიდგას ორი სკამი (თითო სამ ადგილიანი). კედლები შეიღებოს, იატაკზე დაიგოს მეტლახი.
- 2.2.2 სახურავის დაქანება გაითვალის იხეთი დახრის კუთხით, რომელიც არ მისცემს თოვლს დაგროვების საშუალებას. სახურავი გადაიხუროს თუნუქის ფერადი ფურცლით. მოეწყოს წყალშემკრები და სადინრები. სახურავის ქვეშ შენობის პერიმეტრზე გაჩნდეს სივრცეები სკამების დასადგმელად და უამინდობის დროს თავის შესაფარებლად. ჭერი შეიფუთოს ხის წყობით;
- 2.2.3 შენობის კონსტრუქცია უნდა შედგებოდეს რკინაბეტონის სვეტისაგან (დამკვეთთან შეთანხმებით), ხოლო მასზე მდგარი გადახურვის კონსტრუქცია ხის ან ლითონის კოჭებისგან, რომელიც გაიფიცრება და გადაიხურება;

- 2.2.4 ჩაისვას მეტალოპლასმასის კარ-ფანჯრები და ვიტრაჟები. ოთახებში და საპირფარეშოში ჩაისვას დახურული ტიპის კარები. პარაპეტები და ფანჯრის რაფები ისე უნდა იყოს დახრილი, რომ წვიმის და ნაჟური წყლის გადადინება უნდა ხდებოდეს გარეთ;
 - 2.2.5 ბაქნის სიგრძე შეადგენს 80 მეტრს, რომელიც უნდა შემცირდეს 50 მეტრამდე. ბაქანი უნდა მოპირკეთდეს ფილებით და შეილესოს წინა მხრიდან. ასევე დამონტაჟდეს სანათები(ლამპიონები) და სანაგვე ურნები;
 - 2.2.6 წყლის და საკანალიზაციო სისტემის მოწყობა . საკანალიზაციო ჭის მანძილი ობიექტამდე შეადგენს 30-40 მეტრს.
 - 2.2.7 შენობის ყველა კედელი, ფასადი და ჭერი უნდა დამუშავდეს და შეიღებოს მაღალხარისხოვანი საღებავით.სველ წერტილებში გაკეთდეს ნესტგამძლე შეკიდული ჭერი.
 - 2.2.8 ელ.გაყვანილობის მოწყობა სპილენძის სადენებით (ნორმით გათვალისწინებული), გამანაწილებელი კოლოფების, სანათების (ეკო ან ლედ განათება), შტეფსელების, ჩამრთველისა და ელ.ავტომატების მოწყობა, გარე ბრის მოწყობა, გამომრთველი ავტომატის კარადის მოწყობა.
 - 2.2.9 მოეწყოს სხვენში ასასვლელი კიბის ღიობი (ლუქი).
 - 2.2.10 მანქანით მისასვლელ გზასთან ტერიტორიაზე უნდა მოეწყოს ავტოსადგომი 3 მანქანაზე და დამონტაჟდეს სანათები (ლამპიონები) ავტოსადგომის და მიმდებარე ტერიტორიის გასანათებლად.
 - 2.2.11 ავტოსადგომის მხრიდან უნდა შემოდიოდეს საფეხმავლო ბილიკი, რომელიც შენობასთან, ბაქანთან და მის ირგვლივ ტერიტორიასთან დააკავშირებს ქვეითად მოსიარულეს.
 - 2.2.12 არსებული ხეები და ნარგავები შენარჩუნდეს, დაემატოს დეკორატიული ნარგავები და ბუჩქები. მთლიანად მწვანე ზოლი (გამწვანება) არანაკლებ 145 მ², ხოლო დანარჩენი დარჩენილი ტერიტორია საფეხმავლო ბილიკები, ავტოსადგომი და ბაქანი 350 მ² მოპირკეთდეს.
 - 2.2.13 გამწვანებულ ტერიტორიაზე, ნახევრად ღია კაფესთან ახლოს უნდა მოეწყოს სივრცე 55 მ², სადაც შესაძლებელი იქნება საზაფხულო 6 მაგიდის და სკამების დადგმა (ქოლგით).
 - 2.2.14 სადგურის შენობაზე გაკეთდეს აბრევიატურა „სადგური საწირე“ სამი მხრიდან.
 - 2.2.15 სამშენებლო ნაგვის გატანა ნაგავსაყრელზე.
 - 2.2.16 ტერიტორიის დასუფთავება.
 - 2.2.17 ხარაჩოს მოწყობა გარე დაყენებით და ინდივიდუალური ხარაჩოს მოწყობა.
3. საპროექტო ნაწილი უნდა მოიცავდეს: ტოპო გეგმას (ტერიტორიის ფაქტობრივ სიტუაციას, ანაზომს). გეოლოგიურ კვლევას . სრულ არქიტექტურულ ნაწილს (გეგმები, ჭრილები, ფასადები, მასალათა სპეციფიკაცია, ფართების ჩამონათვალი და ვიზუალური მხარე (რენდერები), შენობის კონსტრუქციულ ნაწილს, ელექტრო გაყვანილობის ნაწილს, წყალგაყვანილობის ნაწილს. ასევე თან უნდა ახლდეს სამუშაოთა წარმოების პროექტი და სამშენებლო ხარჯთაღრიცხვა.
 4. პროექტი უნდა იყოს შეთანხმებული შესაბამის სამსახურთან, შემდგომი მშენებლობის ნებართვისთვის.
 5. პროექტის შედგენამდე მიმწოდებელმა საპროექტო გადაწყვეტილება უნდა შეუთანხმოს შემსყიდველს;
 6. პროექტი შედგენილი უნდა იყოს საქართველოში მოქმედი სამშენებლო ნორმების შესაბამისად;
 7. მიმწოდებელმა შემსყიდველს უნდა წარუდგინოს შესათანხმებლად და ექსპერტიზისათვის გადასაცემად პროექტის, მოცულობათა უწყისის და ხარჯთაღრიცხვის თითო-თითო ბეჭდური და ელ. ვერსია. ექსპერტიზის ხარჯები ეკისრება შემსყიდველს.
 8. მომსახურების გაწევის შედეგად შემსყიდველს უნდა გადაეცეს პროექტის, შესასრულებელი სამუშაოების მოცულობითი უწყისის და ხარჯთაღრიცხვის ბეჭდვითი ვერსია ქართულ ენაზე ხუთ-ხუთ ეგზემპლარად და ელექტრონული ვერსია pdf ფორმატში.

3. წინადადების ფასი:

- 3.1 წინადადების ფასი გამოსახული უნდა იყოს ეროვნულ ვალუტაში საქართველოს კანონმდებლობით განსაზღვრული ყველა გადასახდელის გათვალისწინებით. წინადადების ფასი შესყიდვების ერთიან ელექტრონულ სისტემაში (შემდგომში – სისტემა) მითითებული უნდა იქნეს დღგ-ს გარეშე.
- 3.2 ხარჯები, რომლებიც სატენდერო წინადადების ფასში არ იქნება გათვალისწინებული, არ დაექვემდებარება ანაზღაურებას.
- 3.3 შემსყიდველი ორგანიზაციის მიერ ხელშეკრულების ღირებულებაში გათვალისწინებული იქნება წინადადების ფასის დღგ-ს შესაბამისი ოდენობა, თუ ხელშეკრულების დადების მომენტისათვის პრეტენდენტი არის დღგ-ს გადამხდელი საქართველოს კანონმდებლობის შესაბამისად;
- 3.4 გამარჯვებულ პრეტენდენტთან ხელშეკრულება გაფორმდება აშშ დოლარში, შემსყიდველის მიერ სისტემაში ატვირთული წერილობითი მოთხოვნით, პრეტენდენტის მიერ წარმოდგენილი ელექტრონული ვაჭრობის დღეს ეროვნული ბანკის მიერ დაფიქსირებული ოფიციალური გაცვლითი კურსის შესაბამისად დაკორექტირებული ფასების ცხრილის (აშშ დოლარში) მიხედვით, ხოლო ანგარიშწორება განხორციელდება ეროვნულ ვალუტაში (რეზიდენტი პირების შემთხვევაში) მიღება-ჩაბარების დღეს ეროვნული ბანკის მიერ დაფიქსირებული ოფიციალური გაცვლითი კურსის შესაბამისად;
- 3.5 წინადადების ფასად განიხილება სისტემის მეშვეობით შესყიდვის ელექტრონული ტენდერის შესაბამის ველში დაფიქსირებული ფასი.
- 3.6 ხელშეკრულებით გათვალისწინებული შესყიდვის ობიექტის ღირებულება არ შეიძლება აღემატებოდეს ტენდერში გამარჯვებული პრეტენდენტის მიერ სისტემის მეშვეობით დაფიქსირებულ საბოლოო ფასს;
- 3.7 პრეტენდენტის მიერ მექანიკური შეცდომის დაშვების შემთხვევაში, როგორცაა არასწორი ჯამის ან ნამრავლის მითითება, სიტყვიერი და ციფრობრივი გამოსახულების შეუსაბამობა, შესაძლებელია შესწორდეს დაზუსტების გარეშე, ერთეულის ფასის უპირატესობის პრინციპის გათვალისწინებით, იმ შემთხვევაში თუ აღნიშნული არ აღემატება სისტემის შესაბამის ველში დაფიქსირებულ ფასს;

4. მომსახურების გაწევის ვადა:

- 4.1 მომსახურების გაწევის ვადა: ხელშეკრულების გაფორმებიდან 30 (ოცდაათი) კალენდარული დღის განმავლობაში.

5. პრეტენდენტის ან მისი სუბკონტრაქტორის (ასეთის არსებობის შემთხვევაში) გამოცდილება:

- 5.1. პრეტენდენტს ან მის სუბკონტრაქტორს (ასეთის არსებობის შემთხვევაში) უნდა გააჩნდეს ანალოგიური მომსახურების გაწევის გამოცდილება, რაზედაც უნდა წარმოადგინოს შესაბამისი დამადასტურებელი დოკუმენტ(ებ)ი: ხელშეკრულება და ამავე ხელშეკრულების სრულად შესრულების მიღება-ჩაბარების დამადასტურებელი დოკუმენტ(ებ)ი.

6. ანგარიშსწორების პირობები:

- 6.1 ანაზღაურება მოხდება კონსიგნაციის წესით, მიღება-ჩაბარების აქტის გაფორმებიდან 40 საბანკო დღის ვადაში. არ გამოიყენება ავანსი და აკრედიტივი.

7. სხვა მოთხოვნა:

- 7.1 პრეტენდენტს უფლება აქვს წარმოადგინოს მხოლოდ ერთი სატენდერო წინადადება;
- 7.2 სუბკონტრაქტორის არსებობის შემთხვევაში ატვირთული უნდა იქნას პრეტენდენტსა და სუბკონტრაქტორს შორის გაფორმებული სამართლებრივი ურთიერთობის დოკუმენტ(ებ)ი (ხელშეკრულება, შეთანხმება ან სხვა ექვივალენტური დოკუმენტი).
- 7.3 ელექტრონულ სისტემაში ატვირთული პრეტენდენტის მიერ შექმნილი ყველა დოკუმენტი ან/და ინფორმაცია ხელმოწერილი და ბეჭედდასმული (ბეჭდის არსებობის შემთხვევაში) უნდა იყოს უფლებამოსილი პირის მიერ (საჭიროების შემთხვევაში ატვირთული უნდა იქნეს მინდობილობა);
- 7.4 სახელმწიფო შესყიდვების შესახებ ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.
- 7.5 სატენდერო დოკუმენტაციით მოთხოვნილი, ერთიან ელექტრონულ სისტემაში ასატვირთი ყველა დოკუმენტ(ებ)ი წარმოდგენილ უნდა იქნეს ქართულ ენაზე; დოკუმენტების და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი;

8. პრეტენდენტის მიერ ერთიან ელექტრონულ სისტემაში ასატვირთი მონაცემები:

8.1 ფასების ცხრილი დანართი №1-ის შესაბამისად, გასაწევ მომსახურებაზე განსაკუთრებული მოთხოვნების გათვალისწინებით (პუნქტი 2).

8.2 პრეტენდენტის რეკვიზიტები დანართი №2-ის შესაბამისად;

8.3 გამოცდილების დამადასტურებელი დოკუმენტები (პუნქტი 5);

8.4 სუბკონტრაქტორის არსებობის შემთხვევაში ატვირთული უნდა იქნას პრეტენდენტსა და სუბკონტრაქტორს შორის გაფორმებული სამართლებრივი ურთიერთობის დამადასტურებელი დოკუმენტ(ებ)ი (ხელშეკრულება, შეთანხმება ან სხვა ექვივალენტური დოკუმენტი).

9. ფასწარმოქმნის ადეკვატურობის დასაბუთება:

9.1 ვინაიდან აღნიშნული ტენდერით განსაზღვრული შესყიდვის ობიექტი არის ინტელექტუალური მომსახურება, რომლის შეფასების კრიტერიუმები და ფასწარმოქმნის დასაბუთების სტანდარტი რთული დასადგენია, სატენდერო კომისიამ მიზანშეწონილად მიიჩნია არ მოითხოვოს ფასწარმოქმნის ადეკვატურობის დასაბუთების დოკუმენტი, თუ ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალი იქნება შესყიდვის ობიექტის სავარაუდო ღირებულებაზე.

10. ინფორმაცია პრეტენდენტებისთვის:

10.1 შემსყიდველი ორგანიზაცია ვალდებულია, კანონმდებლობით დადგენილი წესით, ერთიანი ელექტრონული სისტემის კითხვა/პასუხის მოდულის მეშვეობით, მიმწოდებლის მოთხოვნის შემთხვევაში, განახორციელოს სატენდერო განცხადებასთან და დოკუმენტაციასთან დაკავშირებით შესაბამისი დაზუსტება/განმარტება.

10.2 შემსყიდველ ორგანიზაციასა და მიმწოდებელს შორის ნებისმიერი მიმოწერა/შეტყობინების გაგზავნა ხდება სისტემის შესაბამისი მოდულის მეშვეობით და სისტემის გამოყენების გარეშე მიმოწერა/შეტყობინება სავალდებულო არ არის. მიმოწერა/შეტყობინება მიღებულად ჩაითვლება მისი სისტემაში ატვირთვის მომენტიდან.

საკონტაქტო პირი:

მთავარი სპეციალისტი: ლევან ფულარიანი, ტელ: (995 32) 219-89-08

მთავარი სპეციალისტი: კახაბერ ბერძენიშვილი, ტელ: (995 32) 219-97-75

მთავარი სპეციალისტი: გიორგი ლომიძე, ტელ: (995 32) 219-98-27

მთავარი სპეციალისტი: ელგუჯა გოდერძიშვილი, ტელ: (995 32) 219-91-04

მთავარი სპეციალისტი: ელენა მურადოვა , ტელ: (995 32) 219-91-73

1	პრეტენდენტის იურიდიული ფორმა და დასახელება	
2	ხელმძღვანელის სახელი და გვარი	
3	პრეტენდენტის იურიდიული ან/და ფაქტიური მისამართი	
4	საიდენტიფიკაციო კოდი	
5	პრეტენდენტის საკონტაქტო ტელეფონის ნომერი	
6	ელექტრონული მისამართი	
7	საბანკო რეკვიზიტები: ბანკის კოდი, ანგარიშის ნომერი და ა.შ.	

* აღნიშნული დანართი ხელმოწერილი უნდა იყოს უფლებამოსილი პირის მიერ.

ხელშეკრულება სახელმწიფო შესყიდვის შესახებ

წინამდებარე ხელშეკრულება დადებულია ----- 2016 წ.

ერთის მხრივ, სს „საქართველოს რკინიგზა,” წარმოდგენილი მისი დირექტორის სახით, მისამართი: ქ. თბილისი, თამარ მეფის გამზირი #15 (შემდგომში _ შემსყიდველი) და მეორეს მხრივ, -----, წარმოდგენილი მისი დირექტორის სახით, მისამართი: ----- (შემდგომში _ მიმწოდებელი), ვდებთ წინამდებარე ხელშეკრულებას შემდეგზე:

შემსყიდველმა 2016 წლის ----- გამოაცხადა და ----- ჩაატარა ელექტრონული ტენდერი (#SPA -----) ----- **მომსახურების შესყიდვის შესახებ**, (CPV კოდი _ -----), რომელშიც გამარჯვებულად მიჩნეულ იქნა მიმწოდებლის წინადადება, რომლის თანახმად, მიმწოდებელმა აიღო ვალდებულება განახორციელოს ----- (შემდგომში მომსახურება).

ხელშეკრულება ფორმდება აშშ დოლარში საქართველოს ეროვნული ბანკის მიერ 2016 წლის ----- (ელექტრონული ვაჭრობის დღისათვის) დადგენილი ლარის აშშ დოლართან ოფიციალური გაცვლითი კურსის (1 USD _ ----- ლარი) მიხედვით.

ხელშეკრულების საერთო ღირებულება დღ-ს გარეშე შეადგენს _ ----- აშშ დოლარს, ხოლო დღ-ს ჩათვლით ----- აშშ დოლარს (შემდგომში _ ხელშეკრულების ღირებულება).

წინამდებარე ხელშეკრულება ადასტურებს შემდეგს:

1. მოცემულ ხელშეკრულებაში გამოყენებული ტერმინები და გამოთქმები ატარებენ იმავე მნიშვნელობებს, რაც მათ აქვთ მინიჭებული ხელშეკრულების პირობებში.
2. ქვემოთ ჩამოთვლილი დოკუმენტები ქმნიან მოცემულ ხელშეკრულებას და წარმოადგენენ მის განუყოფელ ნაწილს, კერძოდ:
 - ა) წინამდებარე ხელშეკრულება;
 - ბ) პრეტენდენტის მიერ წარმოდგენილი წინადადება;
 - გ) ტექნიკური დავალება (ასეთის არსებობის შემთხვევაში);
 - დ) ამონაწერი სსიპ კონკურენციისა და სახელმწიფო შესყიდვების სააგენტოს ვებ-გვერდიდან ელექტრონული ტენდერის ვაჭრობის მიმდინარეობის შესახებ;
 - ე) დანართი ხელშეკრულების ადმინისტრირების შესახებ;
 - ვ) საქართველოს ეროვნული ბანკის ვებ-გვერდიდან ამონაწერი ლარის მიმართ უცხოური ვალუტების გაცვლის ოფიციალური კურსის შესახებ;
 - ზ) ხელშეკრულების საერთო პირობები /რომელიც სტანდარტულია ყველა ხელშეკრულებისთვის/;
 - თ) ხელშეკრულების სპეციფიკური პირობები;
3. მიმწოდებელი იღებს ვალდებულებას შეუსრულოს შემსყიდველს ზემოაღნიშნული მომსახურება ხელშეკრულების პირობების შესაბამისად.
4. შემსყიდველი იღებს ვალდებულებას აუნაზღაუროს მიმწოდებელს ხელშეკრულების ღირებულება ხელშეკრულების პირობების შესაბამისად.

ყოველივე ზემოთქმულის დასტურად მხარეებმა გააფორმეს წინამდებარე ხელშეკრულება, საქართველოს კანონმდებლობის შესაბამისად, ამ დოკუმენტის თავში მითითებულ დღესა და წელს.

წინამდებარე ხელშეკრულება ძალაში შედის მისი ხელმოწერის დღიდან და მოქმედებს მხარეთა მიერ ხელშეკრულებით გათვალისწინებული ვალდებულებების სრულ შესრულებამდე, მაგრამ არაუგვიანეს 2016 წლის -----

„შემსყიდველი“

სს „საქართველოს რკინიგზა“
ქ. თბილისი, თამარ მეფის გამზირი #15
ს/კ 202886010
სს „საქართველოს ბანკი“
ა/ა GE09BG0000000128695301
ბანკის კოდი: BAGAGE22

„მიმწოდებელი“

ს/კ -----
სს „ბანკი -----“
ბანკის კოდი:
ანგარიშის # GE-----
ტელ: -
e-mail: -----

----- დირექტორი

ხელშეკრულების საერთო პირობები

ხელშეკრულების საერთო პირობები წარმოადგენს დოკუმენტაციისა და შესყიდვის შესახებ ხელშეკრულების შემადგენელ ნაწილს. ისინი ატარებენ ტიპიურ ხასიათს და უნდა იქნან გამოყენებული ყოველგვარი ცვლილებების გარეშე იმ მოცულობით, რა მოცულობითაც ეს შეესაბამება კონკრეტულ შესყიდვას.

1. გამოყენებული ტერმინების განმარტებები

1.1 „ხელშეკრულება მომსახურების სახელმწიფო შესყიდვის შესახებ“ (შემდგომ - “ხელშეკრულება”) - შემსყიდველ ორგანიზაციისა და ტენდერში გამარჯვებულ პრეტენდენტს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით და ასევე მთელი დოკუმენტაციით, რომლებზეც ხელშეკრულებაში არის მინიშნებები.

1.2 “ხელშეკრულების ღირებულება” ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;

1.3 “შემსყიდველი ორგანიზაცია” (შემდგომ “შემსყიდველი”) ნიშნავს ორგანიზაციას (დაწესებულებას), რომელიც ახორციელებს შესყიდვას;

1.4 “მიმწოდებელი” ნიშნავს იურიდიულ ან ფიზიკურ პირს, რომელმაც მოიპოვა გამარჯვება ტენდერში და აფორმებს (გააფორმა) შემსყიდველთან ხელშეკრულებას მომსახურების შესყიდვის შესახებ;

1.5 დღე, "კვირა", "თვე" ნიშნავს კალენდარულ დღეს, კვირას, თვეს.

2. სტანდარტები

ხელშეკრულების ფარგლებში გაწეული მომსახურება უნდა შეესაბამებოდეს ტექნიკურ დავალებაში მითითებულ სტანდარტებს.

3. ინტელექტუალურ საკუთრებასთან დაკავშირებული უფლებები

ინტელექტუალურ საკუთრებასთან დაკავშირებული უფლებებით გათვალისწინებული ვალდებულებების დაცვა და ამ უფლებების გამოყენების პროცესში წარმოშობილი დავების მოგვარება ეკისრება მიმწოდებელს.

4. ხელშეკრულების შესრულების კონტროლი

4.1 შემსყიდველს ან მის წარმომადგენელს უფლება აქვთ ხელშეკრულების შესრულების ნებისმიერ ეტაპზე განახორციელოს კონტროლი მიმწოდებლის მიერ ნაკისრი ვალდებულებების შესრულებაზე ხელშეკრულების სპეციფიკურ პირობებში და/ან ტექნიკურ დავალებაში ასახული შესაბამისი გეგმა-გრაფიკის მიხედვით, მათ შორის მომსახურების ხარისხის პერიოდული ინსპექტირება.

4.2 მიმწოდებელი ვალდებულია საკუთარი რესურსებით უზრუნველყოს შემსყიდველი კონტროლის (ინსპექტირების) ჩატარებისათვის აუცილებელი პერსონალით, ტექნიკური საშუალებებით და სხვა სამუშაო პირობებით. იმ შემთხვევაში, თუ შემსყიდველი კონტროლის (ინსპექტირების) მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს თვით შემსყიდველი.

4.3 მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა.

5. მომსახურების გაწევის პირობები

5.1 მომსახურების გაწევა ხორციელდება მიმწოდებლის წინადადებაში ასახული გრაფიკის მიხედვით. ხელშეკრულების სპეციფიკურ პირობებში დაფიქსირებული პერიოდულობით (ვადებში) შემსყიდველი და მიმწოდებელი ერთობლივად განიხილავენ გრაფიკის შესრულების მიმდინარეობის საკითხებს და საჭიროების შემთხვევაში შეაქვთ გრაფიკში სათანადო ცვლილებები.

5.2 ხელშეკრულების დამდებ არც ერთი მხარეს არა აქვს უფლება შეიტანოს გრაფიკში ცვლილებები მეორე მხარესთან შეთანხმების გარეშე.

6. დაზღვევა (ამ მექანიზმის გამოყენების შემთხვევაში)

6.1 მიმწოდებელი ვალდებულია დააზღვიოს შესყიდვის ობიექტი და/ან მისი ნაწილები (ცალკეული ელემენტები, დანადგარები და წარმოების სხვა საშუალებები, ქონება, მიმწოდებლის და/ან სუბ-კონტრაქტორის პერსონალი და სხვა) ხელშეკრულების სპეციფიკურ პირობებში მითითებული მოთხოვნების შესაბამისად.

7. შესყიდვის ობიექტის მიღება-ჩაბარების წესი

7.1 შესყიდვის ობიექტი ან მისი ნაწილი (ეტაპი) ჩაითვლება მიღებულად მხოლოდ მიღება-ჩაბარების აქტის გაფორმების შემდეგ, თუ ხელშეკრულების სპეციფიკური პირობებით სხვა რამ არ არის გათვალისწინებული.

7.2 შესყიდვის ობიექტის მიღებისა და საბოლოო შემოწმების ადგილი, პირობები, ეტაპები და წესი ასახულია ხელშეკრულების სპეციფიკურ პირობებში.

7.3 შესყიდვის ობიექტის (მისი ნაწილის, ეტაპის) მიღების და/ან საბოლოო შემოწმების შედეგად გამოვლენილი დეფექტის ან ნაკლის აღმოფხვრას საკუთარი ხარჯებით უზრუნველყოფს მიმწოდებელი.

7.4 შემსყიდველი ვალდებულია ოპერატიულად, წერილობითი სახით, აცნობოს მიმწოდებელს საბოლოო შემოწმების შედეგები დაწუნებული მომსახურების ნაწილის (ეტაპის) და წუნდების მიზეზის მითითებით.

7.5 შემსყიდველს შეუძლია უარი განაცხადოს შესყიდვის ობიექტის ან მისი ნაწილის (ეტაპის) მიღებაზე იმ შემთხვევაშიც, თუ შუალედური კონტროლის შედეგები იყო დადებითი.

8. გარანტია

8.1 მიმწოდებელი იძლევა გაწეული მომსახურების საერთაშორისო სტანდარტებისადმი შესაბამისობის გარანტიას.

8.2 ამ გარანტიის კონკრეტული პირობები განისაზღვრება ხელშეკრულების სპეციფიკური პირობებით.

8.3 მიმწოდებელი ვალდებულია შეტყობინების მიღებისთანავე განახორციელოს უზარისხოდ შესრულებული მომსახურების ან მისი ნაწილის გამოსწორება შემსყიდველის მხრიდან რაიმე დამატებითი დანახარჯების გაწევის გარეშე.

8.4 მიმწოდებლის მიერ ამ ვალდებულების შეუსრულებლობის შემთხვევაში შემსყიდველს უფლება აქვს თვითონ მიიღოს ზომები წარმოქმნილი დეფექტების გამოსწორებისათვის და მოსთხოვოს მიმწოდებელს შესაბამისი ხარჯების ანაზღაურება ან გამოქვითოს ეს თანხა ხელშეკრულების მიხედვით მიმწოდებლისათვის გადასახდელი თანხიდან.

9. ანგარიშსწორება

9.1 ანგარიშსწორება მიმწოდებელთან განხორციელდება ხელშეკრულების სპეციფიკურ პირობებში მითითებული ფორმითა და ვადებში მიმწოდებლის წერილობითი მიმართვის საფუძველზე.

9.2 მიმწოდებლის წერილობით მოთხოვნას ანგარიშსწორების თაობაზე უნდა დაერთოს ხელშეკრულების სპეციფიკურ პირობებში მითითებული დოკუმენტაცია.

10. ანგარიშსწორების ვალუტა

10.1 ანგარიშსწორება მიმწოდებელთან განხორციელდება ლარებში (თუ მიმწოდებელი საქართველოს რეზიდენტი).

10.2 ანგარიშსწორება განხორციელდება სატენდერო დოკუმენტაციაში დაფიქსირებულ საანგარიშსწორებო ვალუტაში მისი ლართან მიმართებაში დაფიქსირებული კურსით.

11. ფასები

11.1 მიმწოდებლის დაფიქსირებული გასაწევი მომსახურების ფასი წარმოადგენს ხელშეკრულების ღირებულებით პარამეტრებს.

11.2 ხელშეკრულების ღირებულებითი პარამეტრების შეცვლა ხელშეკრულების მოქმედების მთელი პერიოდის განმავლობაში დაუშვებელია, ან ხელშეკრულების ღირებულებითი პარამეტრების შეცვლა დასაშვებია მხარეთა შეთანხმებით, მხოლოდ ხელშეკრულების სპეციფიკურ პირობებში მითითებულ შემთხვევებში და ზომით.

11.3. ხელშეკრულების პირობების შეცვლა დაუშვებელია, თუ ამ ცვლილების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.

11.4 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია თავდაპირველად დადებული ხელშეკრულების ჯამური ღირებულების 10%-ზე მეტი ოდენობით გაზრდა.

12. ხელშეკრულებაში ცვლილებების შეტანა

12.1 ხელშეკრულების დამდებ არც ერთი მხარეს არა აქვს უფლება ცალმხრივად შეცვალოს ხელშეკრულების პირობები.

12.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია. ამავე დროს შემსყიდველი არ არის ვალდებული წარუდგინოს მიმწოდებელს რაიმე მტკიცებულებანი იმ გარემოებებთან დაკავშირებით, რომლების გამოც წარმოიშვა ხელშეკრულების პირობების შეცვლის აუცილებლობა.

12.3 ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

13. უფლებების გადაცემა

13.1 მიმწოდებელს არა აქვს უფლება შემსყიდველის წერილობითი თანხმობის გარეშე მთლიანად ან ნაწილობრივ გადასცეს მესამე პირს ამ ხელშეკრულებით გათვალისწინებული უფლება-მოვალეობანი.

14. სუბკონტრაქტორები

14.1 ამ ხელშეკრულების ფარგლებში დასადები ყველა სუბკონტრაქტი უნდა გაფორმდეს მიმწოდებლის წინადადებაში მითითებული მონაცემების მიხედვით.

14.2 იმ შემთხვევაში, თუ სუბკონტრაქტის დადების ან სუბკონტრაქტორის შეცვლის აუცილებლობა წარმოიშობა ხელშეკრულების შესრულების პროცესში, მიმწოდებელმა წერილობით უნდა აცნობოს შემსყიდველს ზემოაღნიშნულის შესახებ და მიიღოს მისგან წერილობითი თანხმობა.

14.3 ამ ხელშეკრულების ფარგლებში დადებული ყველა სუბკონტრაქტის ასლი უნდა წარედგინოს შემსყიდველს.

14.4 ამ ხელშეკრულების ფარგლებში დადებული არც ერთი სუბკონტრაქტი არ ათავისუფლებს მიმწოდებელს ხელშეკრულებით ნაკისრი ვალდებულებებისაგან.

15. ხელშეკრულების შესრულების შეფერხება

15.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, შესაბამისმა მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო

ხანგრძლივობის და გადმოქვეყნიერ მიზნების შესახებ. მეტყობინების მიმდებარე მხარე რაც შეიძლება მოკლე დროში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით.

16. ხელშეკრულების შესრულების გარანტია (ასეთის არსებობის შემთხვევაში)

16.1 ხელშეკრულების შესრულების უზრუნველყოფის მიზნით მიმწოდებლის მიერ წარმოდგენილი გარანტია გამოიყენება ნებისმიერი ზარალის ანაზღაურების მიზნით, რომელიც მიადგება შემსყიდველს მიმწოდებლის მიერ ხელშეკრულების პირობების შეუსრულებლობის ან არასრული შესრულების გამო. (გარანტირების მექანიზმის გამოყენება სავალდებულოა თუ შესყიდვის ობიექტის სავარაუდო ღირებულება აღემატება 200 000 ლარს და გარანტიის ოდენობა არ უნდა აღემატებოდეს ხელშეკრულების ჯამური ღირებულების 10 პროცენტს და არ უნდა იყოს 2 პროცენტზე ნაკლები). იმ გარემოებების ჩამონათვალი, რომელთა დადგომა გამოიწვევს მიმწოდებლისათვის გარანტიის დაუბრუნებლობას და აღნიშნულ გარემოებათა დადგომის გამო შემსყიდველისათვის მიყენებული ზარალის ანაზღაურების მიზნით საგარანტიო თანხის გამოყენების წესი განსაზღვრულია ხელშეკრულების სპეციფიკურ პირობებში.

16.2 მიმწოდებლის მიერ ხელშეკრულებით ნაკისრი ვალდებულებების სრულად შესრულების შემდეგ შემსყიდველი ვალდებულია დაუბრუნოს მიმწოდებელს ხელშეკრულების შესრულების უზრუნველყოფის გარანტია და/ან მასთან დაკავშირებული დოკუმენტაცია.

16.3 მიმწოდებლისაგან დამოუკიდებელი მიზეზების გამო ხელშეკრულების შეწყვეტის შემთხვევაში შემსყიდველი ორგანიზაცია ვალდებულია მიმწოდებლის მოთხოვნისთანავე დაუბრუნოს მას ხელშეკრულების შესრულების უზრუნველყოფის გარანტია.

17. ხელშეკრულების პირობების შეუსრულებლობა

17.1 ფორს-მაჟორული პირობების გარდა, მიმწოდებლის მიერ ხელშეკრულების პირობების შეუსრულებლობის ან/და დაგვიანებით შესრულების შემთხვევაში გამოიყენება საჯარიმო სანქციები, რომელთა ფორმა, ოდენობა, ამოქმედების პირობები და გადახდის ვადები განსაზღვრულია ხელშეკრულების სპეციფიკურ პირობებში.

17.2 საჯარიმო სანქციების გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

18. ხელშეკრულების შეწყვეტა

18.1 ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ.

18.2 ხელშეკრულების დამდები მხარე, რომელიც მიიღებს ასეთ გადაწყვეტილებას ვალდებულია შეატყობინოს მეორე მხარეს მიღებული გადაწყვეტილება, მისი მიღების საფუძველი და ამოქმედების თარიღი. აღნიშნული შეტყობინება უნდა მიეწოდოს მეორე მხარეს გადაწყვეტილების ძალაში შესვლამდე მინიმუმ ერთი თვით ადრე.

18.3 ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.

18.4 ხელშეკრულების შეწყვეტა პირობების დარღვევის გამო არ ათავისუფლებს მიმწოდებელს ხელშეკრულების შეუსრულებლობისათვის გათვალისწინებული პასუხისმგებლობისაგან.

18.5 შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:

ა) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

ბ) მიმწოდებლის გაკოტრების შემთხვევაში;

გ) თუ მისთვის ცნობილი გახდება, რომ მიმწოდებლის საკვალიფიკაციო მონაცემების დამადასტურებელი დოკუმენტები ყალბი აღმოჩნდება;

დ) საქართველოს კანონმდებლობით გათვალისწინებულ სხვა შემთხვევებში.

18.6 ამ მუხლის მე-5 პუნქტში მითითებულ შემთხვევებში შემსყიდველი ვალდებულია აუნაზღაუროს მიმწოდებელს ფაქტიურად გაწეული მომსახურების ღირებულება.

19. ფორს-მაჟორი

19.1 ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას და მიმწოდებლისათვის ხელშეკრულების შესრულების გარანტიის დაუბრუნებლობას.

19.2. ამ მუხლის მიზნებისათვის ფორს-მაჟორი სიმნავს მხარეებისათვის გადაულანავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით ან სტიქიური მოვლენებით, ეპიდემიით, კარანტინით და ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

19.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოიწვიოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

20. სადაო საკითხების გადაწყვეტა

20.1 ხელშეკრულების დამდები მხარეები თანხმდებიან მასზედ, რომ ყველა ღონეს იხმარენ, რათა პირდაპირი არაოფიციალური მოლაპარაკებების მეშვეობით შეთანხმებით მოაგვარონ ნებისმიერი უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული საკითხების ირგვლივ.

20.2 თუ ასეთი მოლაპარაკების დაწყებიდან 30 (ოცდაათი) დღის განმავლობაში შემსყიდველი და მიმწოდებელი ვერ შესძლებენ სადაო საკითხების შეთანხმებას, ნებისმიერ მხრეს დავის გადაწყვეტის მიზნით შეუძლია დადგენილი წესით მიმართოს საქართველოს სასამართლოს, თუ ხელშეკრულების სპეციფიკურ პირობებში სხვა რამ არ არის გათვალისწინებული.

21. გამოყენებული სამართალი

21.1 ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

22. ხელშეკრულების ენა

22.1 ხელშეკრულება დაწერილ უნდა იქნეს ქართულ ენაზე. იმ შემთხვევაში თუ ხელშეკრულების მეორე მხარე არის უცხო ქვეყნის წარმომადგენელი მაშინ მეორე ეგზემპლარი ითარგმნება მიმწოდებლისათვის მისაღებ ენაზე. ინტერპრეტაციისას ქართულ ენაზე დაწერილი ხელშეკრულება წარმოადგენს გადამწყვეტს. ხელშეკრულებასთან დაკავშირებული მთელი წერილობითი მოლაპარაკებები და სხვა დოკუმენტაცია, რომელიც გაიცემა მხარეთა შორის უნდა შესაბამებოდეს აღნიშნულ პირობებს.

23. ურთიერთობა ხელშეკრულების დამდებ მხარეებს შორის

23.1 ნებისმიერი ოფიციალური ურთიერთობა ხელშეკრულების დამდებ მხარეებს შორის უნდა ატარებდეს წერილობით ფორმას. წერილობითი შეტყობინება, რომელსაც ერთი მხარე ხელშეკრულების შესაბამისად უგზავნის მეორე მხარეს, იგზავნება საფოსტო გზავნილის სახით. ოპერატიული კავშირის დამყარების მიზნით დასაშვებია შეტყობინების მეორე მხარისათვის მიწოდება დეპეშის, ტელექსის ან ფაქსის გაგზავნის გზით იმ პირობით, რომ შეტყობინების ორიგინალი შემდგომში წარედგინება მეორე მხარეს უშუალოდ ან ხელშეკრულებაში მითითებულ მისამართზე საფოსტო გზავნილის გაგზავნის მეშვეობით.

23.2 შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

24. გადასახადები და ბაჟები

24.1 უცხოელი მიმწოდებელი პასუხს აგებს მომსახურების გაწევასთან დაკავშირებული ყველა იმ გადასახადის, დაბეგვრის თანხის, მოსაკრებლების და სხვა გადასახდელების გადახდაზე, რომლებიც გადასახდელია საქართველოს ფარგლებში.

24.2 ადგილობრივი მიმწოდებელი პასუხს აგებს საქართველოს კანონმდებლობით დადგენილი გადასახადების, ბეგარის, მოსაკრებლების და სხვა გადასახდელების გადახდაზე, თუ ხელშეკრულების სპეციფიკური პირობებით სხვა რამ არ არის გათვალისწინებული.

ხელშეკრულების სპეციფიკური პირობები

ხელშეკრულების სპეციფიკური პირობები წარმოადგენს სატენდერო დოკუმენტაციის შემადგენელ ნაწილს და მას შეიმუშავებს შემსყიდველი ორგანიზაცია. მისი შედგენის საფუძველს წარმოადგენს ხელშეკრულების საერთო პირობები და შემსყიდველის მოთხოვნები, რომელთა მიხედვითაც უნდა განხორციელდეს შესაბამისი მომსახურების განხორციელება. ხელშეკრულების სპეციფიკური პირობების მეშვეობით ხორციელდება ხელშეკრულების საერთო პირობების შევსება, დაზუსტება და ცალკეული შესყიდვისათვის დამახასიათებელი პირობების დაკონკრეტება. ხელშეკრულების სპეციფიკურ, საერთო პირობებს და დანართებს შორის ურთიერთშეუსაბამობის შემთხვევაში უპირატესობა ენიჭება სპეციფიკური პირობების შესაბამის მუხლებს.

1. ხელშეკრულების დამდები მხარეები

ხელშეკრულების მხარეები არიან:

შემსყიდველი – სს “საქართველოს რკინიგზა,” წარმოდგენილი მისი ----- დირექტორის -----, მისამართი: ქ. თბილისი, თამარ მეფის გამზირი #15.

მიმწოდებელი – -----, წარმოდგენილი მისი -----, მისამართი: -----

2. ხელშეკრულების შესრულების კონტროლი

2.1 შემსყიდველის მიერ ხელშეკრულების შესრულების კონტროლი განხორციელდება პერიოდულად, შემსყიდველის მოთხოვნის შესაბამისად.

3. მომსახურების განხორციელების პირობები და ვადები

3.1 მიმწოდებელი ვალდებულია წინამდებარე ხელშეკრულებით გათვალისწინებული მომსახურება განახორციელოს 2015 წლის ----- კალენდარული თვის/დღის განმავლობაში.

3.2 მომსახურების განხორციელების ადგილია: -----.

3.3 მიმწოდებელი ვალდებულია გასწიოს ყველა თანმდევი მომსახურება (ასეთის საჭიროების შემთხვევაში), რომელიც დაკავშირებულია ამ ხელშეკრულებით გათვალისწინებული ვალდებულების შესრულებასთან.

3.4 მიმწოდებელი ვალდებულია დაიცვას საქმიანობის სრული გამჭვირვალობის პრინციპი (განსახორციელებელი მომსახურების სახეობის შესაბამისად).

3.5 ხელშეკრულების ადმინისტრატორად განისაზღვრა: -----

3. შესყიდვის ობიექტის მიღება-ჩაბარების წესი

4.1 მომსახურება შემსყიდველის მიერ ჩაბარებულად, ხოლო მიმწოდებლის მიერ განხორციელებულად ითვლება მიღება-ჩაბარების აქტის გაფორმების შედეგად, რომელიც შედგება და დადასტურდება შემსყიდველისა და მიმწოდებლის მიერ საამისოდ უფლებამოსილი წარმომადგენლების ხელმოწერებით, ფაქტიურად განხორციელებული მომსახურების შესაბამისად.

4.1.1 მიღება-ჩაბარების აქტ(ებ)ზე შემსყიდველის მხრიდან ხელმომწერ უფლებამოსილ პირებს წარმოადგენენ -----

4.2. მიღება-ჩაბარების აქტის შედგენიდან 3 (სამი) სამუშაო დღის ვადაში მიმწოდებელი ვალდებულია შემსყიდველს წარუდგინოს საგადასახადო ანგარიშ-ფაქტურა.

4.3. მიღება-ჩაბარების აქტი გაფორმდება ოთხ ეგზემპლარად, რომლის სამი ეგზემპლარი გადაეცემა შემსყიდველს, ხოლო ერთი – მიმწოდებელს.

4. გარანტია

5.1 მიმწოდებელი იძლევა გარანტიას, რომ მის მიერ მომსახურება განხორციელდება ჯეროვნად, დროულად, შეუფერხებლად, კეთილსინდისიერად,

სრულფასოვნად და განხორციელებული მომსახურება შეესაბამება ხელშეკრულებით გათვალისწინებულ მოთხოვნებს.

5.2 განხორციელებულ მომსახურებაში ხარვეზის აღმოჩენის შემთხვევაში, შემსყიდველი უფლებამოსილია მიმწოდებელს წარუდგინოს პრეტენზია ამ ხელშეკრულების მოქმედების განმავლობაში. მიმწოდებელი ვალდებულია შემსყიდველის წერილობითი შეტყობინების მიღებისთანავე დაიწყოს მუშაობა გამოვლენილი დეფექტის აღმოფხვრის ან შეცვლისათვის საჭირო ზომების განსახორციელებლად, შემსყიდველის მხრიდან რაიმე

დამატებითი დანახარჯების გაწევის გარეშე და შეძლებისდაგვარად მოკლე ვადაში აღმოფხვრას დეფექტი საკუთარი სახსრებით.

5.3 მიმწოდებლის მიერ ამ ვალდებულების შეუსრულებლობის შემთხვევაში შემსყიდველს უფლება აქვს თვითონ მიიღოს ზომები წარმოქმნილი დეფექტების გამოსწორებისათვის და მოსთხოვოს მიმწოდებელს შესაბამისი ხარჯების ანაზღაურება ან გამოქვითოს ეს თანხა ხელშეკრულების მიხედვით მიმწოდებლისათვის გადასახდელი თანხიდან.

6. ანგარიშსწორება

6.1. ანგარიშსწორების ფორმა: უნაღდო, კონსიგნაცია.

6.2. ანგარიშსწორების ვალუტა: ეროვნულ ვალუტაში, მიღება-ჩაბარების აქტის გაფორმების დღისთვის საქართველოს ეროვნული ბანკის მიერ დადგენილი ლარის აშშ დოლართან ოფიციალური გაცვლითი კურსის მიხედვით.

6.3. ანგარიშსწორება მიმწოდებელთან განხორციელდება მხარეთა შორის მიღება-ჩაბარების აქტის შედგენიდან 20 (ოცი) საბანკო დღის განმავლობაში.

6.4. ანგარიშსწორება მიმწოდებელთან განხორციელდება შემდეგი დოკუმენტების საფუძველზე:

- _ მიღება-ჩაბარების აქტი (დედანი);
- _ საგადასახადო ანგარიშ-ფაქტურა.

6.5. საბოლოო ანგარიშსწორებამდე მხარეები ადგენენ ურთიერთშედარების აქტს.

ანგარიშსწორების ფორმა ავანსი (ასეთის არსებობის შემთხვევაში)

6.1. ანგარიშსწორების ფორმა: უნაღდო ანგარიშსწორება.

6.2. ანგარიშსწორების ვალუტა: ქართული ლარი.

6.3. ანგარიშსწორება მიმწოდებელთან განხორციელდება შემდეგი წესით:

6.3.1. ხელშეკრულების ღირებულების არაუმეტეს ---% მიმწოდებელს გადაერიცხება ავანსად მის მიერ შემსყიდველისათვის შემდეგი დოკუმენტების წარდგენიდან 20 (ოცი) საბანკო დღეში:

- ავანსის მოთხოვნის წერილი;
- ინვოისი საავანსო თანხაზე;
- ავანსის უზრუნველყოფის უპირობო საბანკო გარანტია (6.4 პუნქტის პირობათა დაცვით), რომელიც გაცემული უნდა იყოს ბანკის მიერ, აშშ დოლარში, ავანსად გადასახდელი თანხის მთლიან ოდენობაზე და რომლის მოქმედების ვადა 50 (ორმოცდაათი) კალენდარული დღით უნდა აღმატებოდეს მომსახურების განხორციელების საბოლოო ვადას. ავანსის უზრუნველყოფის საბანკო გარანტია წარმოდგენილ უნდა იქნას ხელშეკრულების ხელმოწერიდან არაუგვიანეს 20 (ოცი) საბანკო დღისა. ამ ვადაში ზემოაღნიშნული დოკუმენტების წარმოდგენილობის შემთხვევაში ანგარიშსწორება (100%) განხორციელდება 6.6 პუნქტის შესაბამისად.

6.3.2. ავანს(ებ)ის გადარიცხვისას ანგარიშსწორება განხორციელდება ავანს(ებ)ის გადარიცხვის დღეს არსებული ეროვნული ბანკის მიერ დადგენილი ოფიციალური კურსის მიხედვით ეროვნულ ვალუტაში.

6.3.3. ავანსი გაიქვითება განხორციელებული მომსახურების ღირებულებიდან, ----%-ის ოდენობით გადარიცხული ავანს(ებ)ის პროპორციულად აშშ დოლარში, ავანს(ებ)ის გადარიცხვის დღისათვის არსებული კურსის შესაბამის ეროვნულ ვალუტაში.

6.3.4. განხორციელებული მომსახურების დარჩენილი ნაწილი (----%) მიმწოდებელს აუნაზღაურდება კონსიგნაციით, მიმწოდებელთან ანგარიშსწორება განხორციელდება მხარეთა შორის ამ ხელშეკრულებით გათვალისწინებული მომსახურების სრულად (ფაქტურად) შესრულების შემდეგ, მხარეთა შორის ხელშეკრულების სპეციფიკური პირობების 4.1. მუხლით გათვალისწინებული მიღება-ჩაბარების აქტის შედგენიდან 20 (ოცი) საბანკო დღის ვადაში შემდეგი დოკუმენტების საფუძველზე:

- _ მიღება-ჩაბარების აქტი (დედანი);
- _ საგადასახადო ანგარიშ-ფაქტურა.

6.4 წინამდებარე ხელშეკრულების შეწყვეტის შემთხვევაში, ხელშეკრულებით უცხოურ ვალუტაში განსაზღვრული და ეროვნულ ვალუტაში მიმწოდებლისათვის გადახდილი ავანსის დასაბრუნებელი /გამოუქვითავი/ ნაწილი ანაზღაურებულ /დაბრუნებულ/ უნდა იქნას შემსყიდველისათვის ქართულ ლარში, ბანკის მიერ გადარიცხვის დღისათვის ეროვნული ბანკის მიერ დადგენილი ოფიციალური სავალუტო კურსის მიხედვით. ამავე დროს, დასაბრუნებელი /გამოსაქვითი/ ავანსის თანხა არ უნდა იყოს შემსყიდველის მიერ მიმწოდებლისათვის ეროვნულ ვალუტაში გადარიცხული ავანსის მოცულობაზე ნაკლები. ამ პრინციპით გაანგარიშებული დასაბრუნებელი /გასაქვითი/ ავანსის გადარიცხულზე მეტობის შემთხვევაში, ნამატი თანხა სრულად დარჩება შემსყიდველს დამატებითი შემოსავლის სახით.

6.5. შემსყიდველისათვის განხორციელებული მომსახურების ღირებულება ეროვნულ ვალუტაში გაანგარიშდება სამუშაო მეწონილი ფასის გაანგარიშების პრინციპით, კერძოდ: ავანს(ებ)ის გადახდის დღისთვის არსებული საქართველოს ეროვნული ბანკის მიერ დადგენილი ოფიციალური გაცვლითი კურსისა და მიღება-ჩაბარების აქტის შედგენის დღისათვის არსებული საქართველოს ეროვნული ბანკის მიერ დადგენილი ოფიციალური გაცვლითი კურსის მიხედვით შესაბამისი პროპორციით.

6.6 კონსიგნაციით ანგარიშსწორების შემთხვევაში, ანგარიშსწორება განხორციელდება 6.3.4 პუნქტით გათვალისწინებული დოკუმენტების წარმოდგენიდან 20 (ოცი) საბანკო დღეში.

6.7 კონსიგნაციით ანგარიშსწორებისას მომსახურების ღირებულება ეროვნულ ვალუტაში გაანგარიშდება მიღება-ჩაბარების აქტის გაფორმების დღისათვის საქართველოს ეროვნული ბანკის მიერ დადგენილი ლარის აშშ დოლართან ოფიციალური გაცვლითი კურსის მიხედვით.

6.8 საბოლოო ანგარიშსწორებამდე მხარეები ადგენენ ურთიერთშედეგების აქტს.

7. ხელშეკრულების შესრულების გარანტია (ასეთის არსებობის შემთხვევაში)

7.1 იმისათვის, რომ თავიდან იქნას აცილებული რისკი, წარმოქმნილი მიმწოდებლის მიერ მომსახურების შესყიდვის შესახებ ხელშეკრულების შეუსრულებლობის გამო, გამოყენებული იქნება შემსყიდველთან წინასწარ შეთანხმებული ბანკის ხელშეკრულების შესრულების უზრუნველყოფის უპირობო საბანკო გარანტია ხელშეკრულების ღირებულების 5 %-ის ოდენობით, რომელიც წარმოდგენილ უნდა იყოს აშშ დოლარში და რომლის მოქმედების ვადაც 50 (ორმოცდაათი) კალენდარული დღით უნდა აღემატებოდეს 3.1 პუნქტით გათვალისწინებული მომსახურების განხორციელების საბოლოო ვადას. (იმ შემთხვევაში თუ ტენდერში ელექტრონული ვაჭრობის შედეგად გამარჯვებული მიმწოდებლის მიერ სისტემაში დაფიქსირებული საბოლოო ფასი 20%-ზე მეტით დაბალია შესაბამისი ტენდერის შესყიდვის ობიექტის სავარაუდო ღირებულებაზე, მიმწოდებელი ვალდებულია წარმოადგინოს ხელშეკრულების შესრულების გარანტია ხელშეკრულების ღირებულების 10%-ის ოდენობით).

7.2 მიმწოდებლის მიერ ხელშეკრულებით ნაკისრი ვალდებულებების წინამდებარე ხელშეკრულების სპეციფიკური პირობების 3.1 პუნქტით დადგენილ ვადაში სრულად შესრულების შემდეგ შემსყიდველი დაუბრუნებს მიმწოდებელს ხელშეკრულების შესრულების უზრუნველყოფის გარანტიას.

7.3 ხელშეკრულებით ნაკისრი ვალდებულებების არასრულად ან არაჯეროვნად შესრულების შემთხვევაში შემსყიდველი არ დაუბრუნებს მიმწოდებელს ხელშეკრულების შესრულების უზრუნველყოფის გარანტიას და გამოიყენებს უპირობოდ, დარიცხული პირგასამტეხლოს ფარგლებში.

8. ხელშეკრულების პირობების შეუსრულებლობა

8.1 ხელშეკრულებით ნაკისრი ვალდებულებების შესრულების ვადების გადაცდენის შემთხვევაში, ყოველი დაგვიანებული დღისთვის, მიმწოდებელს ეკისრება პირგასამტეხლო ხელშეკრულების ღირებულების 0,1 %-ის ოდენობით, რომელიც გაანგარიშებულ იქნება აშშ დოლარში და მოთხოვნილი (გაქვითული) იქნება ქართულ ლარში მიღება-ჩაბარების აქტის გაფორმების დღის, ან ასეთის არ არსებობის შემთხვევაში, შემსყიდველის მხრიდან ხელშეკრულების შეწყვეტის დღეს საქართველოს ეროვნული ბანკის მიერ დადგენილი ლარის აშშ დოლართან ოფიციალური გაცვლითი კურსის მიხედვით, ამასთან, პირგასამტეხლოს დარიცხვა შეწყდება მას შემდეგ, რაც დარიცხული თანხა მიაღწევს ხელშეკრულების საერთო ღირებულების 5 %-ს /პროცენტი დამოკიდებულია გარანტიის ოდენობაზე/.

8.2 იმ შემთხვევაში თუ ვადების გადაცდენისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 3 %, შემსყიდველს უფლება აქვს შეწყვიტოს ხელშეკრულება.

8.3 მიმწოდებლის მიერ ხელშეკრულების შეწყვეტის შემთხვევაში, მიმწოდებელს ეკისრება პირგასამტეხლო ხელშეკრულების ღირებულების 5%-ის /პროცენტი დამოკიდებულია გარანტიის ოდენობაზე/ ოდენობით. იმ შემთხვევაში, თუ აღნიშნული პირგასამტეხლოს ანაზღაურება არ მოხდება მიმწოდებლის მიერ 7.1 პუნქტით გათვალისწინებული საბანკო გარანტიიდან (ასეთის არსებობის შემთხვევაში), მაშინ პირგასამტეხლო გაანგარიშებულ იქნება აშშ დოლარში და მოთხოვნილი (გაქვითული) იქნება ქართულ ლარში მიმწოდებლის მიერ ხელშეკრულების შეწყვეტის დღეს საქართველოს ეროვნული ბანკის მიერ დადგენილი ლარის აშშ დოლართან ოფიციალური გაცვლითი კურსის მიხედვით.

8.4 ხელშეკრულების ფარგლებში გათვალისწინებული პირგასამტეხლოს მაქსიმალური ზღვრული ოდენობა, რომელიც შეიძლება დაეკისროს მიმწოდებელს, შეადგენს ხელშეკრულების ღირებულების არაუმეტეს 5%-ს /პროცენტი დამოკიდებულია გარანტიის ოდენობაზე/.